

ՀԱՄԱՄԻՈՒԹԵՆԱԿԱՆ ԳԻՏԱԿԱՆ ԿՈՆՖԵՐԱՆՍ

Անցած տարվա նոյեմբերի 23—25-ը Երևանում տեղի ունեցավ «Անհատի կոնցեպցիան զարգացած սոցիալիզմի գրականության մեջ» գիտական կոնֆերանսը, որը կազմակերպել էին ՍՍՀՄ ԳԱ Մ. Գորկու անվան համաշխարհային գրականության ինստիտուտը և ՀՍՍՀ ԳԱ Մ. Արբելյանի անվան գրականության ինստիտուտը Հայաստանի գրողների միության, համամիութենական «Գիտելիք» ընկերության և հանրապետական «Գիտելիք» ընկերության հետ համատեղ:

Կոնֆերանսը ներածական խոսքով, բացեց ՍՍՀՄ գիտությունների ակադեմիայի թղթակից անդամ Գ. Լոմիձեն: Կոնֆերանսի մասնակիցներին ողջունեց Հայաստանի կոմկուսի Կենտկոմի քարտուղար Կ. Դալլաքյանը: Իր ելույթում նա խոսեց այն մեծ նշանակության մասին, որ ունի քննարկվող պրոբլեմը սովետական գրականության հետագա զարգացման համար: Կ. Դալլաքյանը հանրապետության ղեկավարության անունից հաջողություն մաղթեց կոնֆերանսի աշխատանքներին:

Կոնֆերանսում լսվեցին Մոսկվայի, Հայաստանի և միութենական մյուս հանրապետությունների գիտնականների երեք տասնյակի հասնող զեկուցումներ, որոնք շոշափում էին կոնֆերանսի օրակարգում դրված խնդրի ամենատարբեր կողմերը:

Անհատի ձևավորման համար սկզբունքային նշանակություն ունի պատմության և ժողովրդի պատմական փորձի ըմբռնումը: Բանասիրական գիտությունների դոկտոր Ս. Սարինյանը (Երեվան) իր «Պատմություն, արդիականություն, անհատ» զեկուցման մեջ խոսեց այն դերի մասին, որ անհատի ձևավորման գործում ունի սոցիալիստական հասարակության պատմական փորձը: Իսկ բանասիրական գիտությունների դոկտոր Մ. Լեչենկոն (Օդեսա) «Ժամանակների կապը և սոցիալիստական անհատի ձևավորումը» զեկուցման մեջ խոսեց սովետական մարդու կերպարի ձևավորման համար սովետական ժողովուրդների հայրենասիրական և հեղափոխական ավանդույթների մեծ նշանակության մասին:

Բանասիրական գիտությունների դոկտոր Ռ. Յուսուֆովը (Մոսկվա) կոնֆերանսի մաս-

նակիցներին պատմեց «ՍՍՀՄ ժողովուրդների գեղարվեստական ժառանգությունը և արդիականությունը» կոլեկտիվ մենագրության մասին, որ հրատարակության է պատրաստում Մ. Գորկու անվան համաշխարհային գրականության ինստիտուտը:

Բանասիրական գիտությունների թեկնածու Ն. Վորոբյովայի զեկուցումը նվիրված էր «Ժողովրդական կերպարը պատմական վեպում» թեմային:

Բանասիրական գիտությունների դոկտոր Ս. Աղաբաբյանը (Երևան) հանդես եկավ «Հումանիզմը գրականության մեջ անհատի կոնցեպցիայի հիմքն է», իսկ բանասիրական գիտությունների դոկտոր Ե. Զալեսկայան (Մոսկվա)՝ «Գրականությունը և կոմունիստական հասարակության մարդու ձևավորումը» զեկուցումով:

Սոցիալիստական հասարակության անհատի ձևավորման համար առաջնահերթ նշանակություն ունի անհատի և աշխատանքային կոլեկտիվի հարաբերության, աշխատանքի վերափոխիչ նշանակության խնդիրը: Գիտատեխնիկական հեղափոխությունը նոր երանգ է մտցնում անհատի և շրջապատի հարաբերություններում: Գրականության մեջ այս հարցերի արտացոլման մասին խոսեցին բանասիրական գիտությունների դոկտոր Օ. Բականիձեն (Թբիլիսի)՝ «Մարդը և աշխատանքային միջավայրը ժամանակակից վրաց արձակույթում» և բանասիրական գիտությունների դոկտոր Ս. Մանուկյանը (Երեվան)՝ «Աշխատանքի մարդու կերպարը սովետահայ արձակույթում» զեկուցումներում: Բանասիրական գիտությունների թեկնածու Վ. Կովալիչ (Մոսկվա) կանգ առավ «Գիտատեխնիկական հեղափոխությունը և անհատի զարգացումը» խնդրի վրա:

Առանձին քննարկման առարկա դարձավ գրական ստեղծագործության հեղինակի, նրա գաղափարական դիրքորոշման և ստեղծագործական կառուցվածքում նրա դերի հարցը: Բանասիրական գիտությունների դոկտոր Ար. Գրիգորյանը (Երևան) իր զեկուցման մեջ քննեց քնարական ստեղծագործության կառուցվածքում հեղինակի անհատականության աշխատանքային թյան տարբեր ձևերը, բանասիրական գիտու-

թյունների թեկնածու Ն. Աղալյանը՝ «Հեղինակ-հերոս» իրավիճակի և նրա մարմնավորման սկզբունքները: «Հերոսի սոցիալական ակտիվությունը և գրողի դիրքորոշումը» հարցին էր նվիրված բանասիրական գիտությունների դոկտոր Գ. Ալիբեկովայի (Բաքու) ղեկուցումը: Բանասիրական գիտությունների թեկնածու Կ. Սուլթանովը (Մախաչկալա) իր ղեկուցման մեջ խոսեց պատմողի կերպարի մասին՝ հենվելով հյուսիս-կովկասյան արձակի փորձի վրա: Գևորգ էմինի ելույթը նվիրված էր բանաստեղծի անհատականությանը, նրա քաղաքացիականությանը և ազգային նկարագրին:

Կոնֆերանսում քննարկված կենտրոնական հարցերից մեկը գրական հերոսի ազգային առանձնահատկությունների խնդիրն էր: Այդ թեմային էին վերաբերում բանասիրական գիտությունների թեկնածու Զ. Ավետիսյանի (Երևան) «Հերոսի ազգային հոգեբանության առանձնահատկությունները ժամանակակից հայ արձակում», բանասիրական գիտությունների դոկտոր Գ. Խուսահինովի (Ուֆա) «Բաշկիրական գրականության պոեզիայի նոր միտումները», բանասիրական գիտությունների թեկնածու Վ. Վանյուշևի (Իժևսկ) «Ընդհանուրը և առանձնատուրը Պոլովոժիեի ժողովուրդների գրականության հերոսի բնավորության մեջ» ղեկուցումները:

Կոնֆերանսում մտքերի աշխույժ փոխանակություն առաջացրեց բանասիրական գիտությունների թեկնածու Դ. Ուոնովի (Մոսկվա) «Գրողի դիրքորոշումը և ժամանակակից գաղափարական պայքարը» ղեկուցումը: Գրականագետը էստոնական երիտասարդական արձակի վերջերս լույս տեսած ժողովածուի օրինակով ցույց տվեց գրականագիտական բնորոշումների հստակության կարևորությունը, մի սկզբունք, որ բավական հաճախ աչքաթող է արվում:

Ձեկուցումների մի մեծ խումբ նվիրված էր ժամանակակից գրականության մեջ ի հայտ

եկած նոր միտումների քննությանը: Բ. Կալակովան (Մոսկվա) «Ժամանակակից արձակի հերոսի բարոյական որոնումները» ղեկուցման մեջ խոսեց «գյուղական արձակի» մասին: Բանասիրական գիտությունների թեկնածու Լ. Մարգունին (Երևան) «Մարդ—բնություն պրոբլեմի ժամանակակից ասպեկտները» ղեկուցման մեջ, դարձյալ «գյուղական արձակի» օրինակով, քննեց մարդու և բնական միջավայրի նոր հարաբերությունների հարցը: Բանասիրական գիտությունների թեկնածու Ծ. Ալեքսանյանի (Երևան) ղեկուցումը վերաբերում էր ժամանակակից հայ արձակում անհատի ինքնարտահայտման գեղարվեստական ձևերին, բանասիրական գիտությունների թեկնածու Վ. Վավերեն (Իրիզա) ղեկուցեց լատիշական արձակում անհատի պատկերման սկզբունքների մասին: Ժամանակակից արձակի և պոեզիայի պոետիկային էին նվիրված բանասիրական գիտությունների թեկնածուներ Ս. Խիտարովայի (Մոսկվա) «Ոճերի դինամիկան ժամանակակից արձակում», Լ. Կիրակոսյանի (Երևան) «Անհատի կոնցեպցիան արձակի գեղարվեստական կառուցվածքում», Ն. Շլյախովայայի (Օդեսա) «Հերոսի զգացմունքների և վարքագծի դիալեկտիկան (բնավորության ձևավորման պոետիկայի հարցերից)», Ա. Նդիազարյանի (Երևան) «Ժամանակի կոնցեպցիան և անհատի կոնցեպցիան», Բ. Պոդգայեցկայայի (Մոսկվա) «Գեղարվեստական մտածողության պատմականությունը քնարական պոեզիայում», Դ. Գասպարյանի (Երևան) «Հերոսի տիպականացման առանձնահատկությունները արդի հայ գրականության մեջ» ղեկուցումները:

Կոնֆերանսի աշխատանքներն ամփոփեց ՍՍՀՄ ԳԱ թղթակից անդամ Գ. Լոմիձեն, եզրափակման խոսք ասաց ՀՍՍՀ ԳԱ թղթակից անդամ, ՀՍՍՀ ԳԱ Մ. Արեղյանի անվան գրականության ինստիտուտի դիրեկտոր էդ. Զրբաշյանը:

Մ. Ա. ԵՂԻԱՋԱՐՅԱՆ